

Prezidénsia Konsellu Ministrus

VIII Governu Konstitusionál

Komunikadu Imprensa

Sorumutuk Konsellu Ministru nian iha loron-19 fulan Dezembru 2019

Konsellu Ministru hala'o sorumutuk iha Palásiu Governu, iha Díli no aprova tiha Proposta Lei ba Orsamentu Jerál Estadu nian ba Tinan Fiskal 2020, ne'ebé prezenta hosi Ministra Finansas en ezersísiu, Sara Lobo Brites. OJE 2020 prepara haktuir ba prinsípiu fundamentál lima maka hanesan, sustentabilidade fiskal iha tempu médiu no longu prazu nian, aliñamentu ho prioridade nasional sira, kapasidade ezekusaun orsamentál, kapasidade halo absorsaun ba ekonomia lokal no kualidade orsamentu nian.

Nune'e duni, Konsellu Ministru aprova ona, Orsamentu Jerál Estadu nian ba tinan 2020 ne'ebé ho despeza pública estimada tuir orden **US\$ 1.668 millaun (millaun rihun ida atus-neen neen-nulu resin-ualu), inklui reseita ne'ebé mai hosi** RAEOA/ZEEMS, UE no Empréstimu, hodi kobre ba nesesidade tomak programa no prioridade nasional sira ne'ebé VIII Governu Konstitusionál defini ona. Proposta foun ba OJE 2020 ne'e sei haruka filafali ba Parlamentu Nasionál iha loron-19 fulan dezenbru tinan 2019.

Ikusliu, Primeiru-Ministru agradese tebes ba ekipa traballu ne'ebé halo revizaun ba OJE, ne'ebé kria iha loron-4 dezenbru, lidera hosi Ministru Estadu Prezidénsia Konsellu Ministrus, Agio Pereira; Ministra Finansas, Sara Lobo Brites; Ministru Transporte no Komunikasaun, José Agostinho da Silva no Ministra Edukasaun, Juventude no Desportu, Dulce de Jesus Freitas. **REMATA**

url: <http://timor-leste.gov.tl?lang=tp&p=23425>